

明

史

明末卷一百五十九

列傳十

擴廓帖木兒

蔡子英

陳友定

伯顏子中

擴廓帖木兒沈丘人本姓王氏名保保元平章察罕

帖木兒其舅也嘗以為子元主賜名擴廓汝頰盜起

察罕起義兵與羅山人李思齊復羅山戰河南北擊

賊閭中河東復汴梁走劉福通平山東降田豐滅賊

義盡終末兵圍益都田豐叛為王士誠所刺事具元

史察罕既死軍中奉擴廓為帥元就拜太尉中書平

章政事知樞密院事如察罕官總其兵圍益都穴地

而入克之執田豐王士誠剗其心以祭察罕縛陳孫

孫

頭等二百餘人獻於闕下東取晉州於是山東之地悉定時至正二十二年也先是察罕定晉冀之地李羅帖木兒在大同以兵爭之察罕不與數相攻元軍詔和解之終不聽擴廓既平齊地則引軍駐太原與李羅構兵如故會元臣老的沙先堅獲罪於太子出奔李羅李羅匿之詔削李羅官解其兵柄李羅遂舉兵犯京師殺丞相搠思監自為丞相老的沙為平章先堅知樞密院太子求援於擴廓擴廓遣其將白鎖剌以萬騎入衛京師戰不利奉太子奔於太原踰年擴廓以皇太子令舉兵討李羅獲大同進薄大

郡元羊乃襲殺守羅於朝。橫廓從太子入覲，以為太傅左丞相。當是時，徵橫廓太子義昭。橫廓功雖高，起行間驟至相位，中朝諸舊臣多忌之者。而橫廓久與軍亦不樂在內。居兩月，即請出治兵。南平江淮，詔許之。封河南王，俾總天下兵。代皇太子出征，分省中官屬之半以自隨。南薄甲仗，亘數十里，軍容甚盛。是時太祖已破賊陳友諒，盡有江楚之地。張士誠據淮東，浙西橫廓知南軍強，未可輕進，乃駐軍河南，馳檄徵閩、津四將軍會師進討。四將軍者：李思齊、張思道、孔興、魏列伯也。思齊得檄大怒，令其下一甲不得出武

閔思道等皆不聽調於是擴廓歎曰吾奉詔總天下
兵而鎮將不受節制何討賊為乃遣其弟脫因帖木
兒以一軍屯濟南防遏南軍而自引兵西入閩攻思
森等思森等會兵長安盟於含元殿基併力拒擴廓
擴廓進兵攻之相持經年數百戰未能決元主使使
諭令罷兵專事江淮擴廓欲遂定思森等然後引軍
而東乃遣其驍將猶高趨河中欲出不意擣鳳翔獲
思森衆穴猶高所將多索羅部曲行至衛輝軍變脅
猶高叛擴廓襲衛輝彰德據之列擴廓罪狀聞於朝
初太子之奔太原也欲用唐肅宗靈武故事自立擴

廓不可及還京師皇后諭旨令擴廓以重兵擁太子入城脅元主禪位擴廓未至京三十里留其軍以數騎入朝由是太子深銜之而元主亦心忌擴廓廷臣詳言擴廓受命南平江淮乃西攻關中令罷兵不奉詔跋扈有狀會貳高基至大喜乃削擴廓太傅中書左丞相令以河南王就食邑汝南分其軍隸諸將而以貳高為知樞密院兼平章總河北軍賜其軍號忠義功臣太子開撫軍院於京師總制天下兵馬專併擴廓擴廓既受詔即退軍駐澤州其部將閔保亦叛歸於朝朝廷知擴廓勢孤乃詔李思齊等引兵東出

閔與貊高合攻橫廓而令孫左丞分省太原閔保以
兵戍之橫廓乃還軍據太原盡殺朝廷所置官吏於
是元主下詔盡削橫廓官爵令諸軍四面討之是時
明兵已取山東收大梁梁王阿魯溫察罕父也以河
南降既因帖木兒敗走餘皆望風降遁無一人抗者
既迫潼關思齊等倉皇解兵西歸而貊高閔保皆為
橫廓所擒殺元主大恐下詔歸罪於太子罷撫軍院
悉復橫廓官爵令與李思齊等分道南討詔下一月
明兵已逼大都元主北走橫廓以兵入援不及元遂
亡距察罕死時僅六年云明兵已定元都將軍湯和

等即自澤州進取山西擴廓遣將禦之戰于韓店明
師大敗會元主自開平命擴廓以兵復大都擴廓乃
引軍北出鴈門將由保安徑居庸以攻北平徐達常
遇春乘虛擣太原擴廓還救之郅將竒真馬潛約降
于明明兵夜劫營營中驚潰擴廓倉卒以十八騎北
走明兵遂西入閬李思齊以臨洮降張思道走寧夏
其弟良臣以慶陽降既而復叛明兵破誅之於是元
臣皆入於明惟擴廓擁兵侵掠塞上西北邊苦之洪
武三年太祖命大將軍徐達總大兵出西安擣定西
擴廓方圍蘭州趨赴之軍疲甚戰於沈兒峪大敗盡

亡其衆獨與妻子數人北走至黃河得流木以渡遂
奔和林時元主珣太子嗣立復以國事任擴廓爾年
太祖復遣大將軍徐達左副將軍李文忠征西將軍
馮勝將十五萬衆分道出塞取擴廓大將軍至嶺北
與擴廓遇大敗死者數萬人先是劉基言於太祖曰
擴廓未可輕也至是帝思其言謂晉王曰吾用兵未
嘗敗北今諸將自謂深入敗於和林此蓋輕信無謀
以致多殺士卒不可不戒明年擴廓復寇鴈門命諸
將盛為之脩蓋自是時明兵希出塞矣其後擴廓從
其主徙金山卒於哈剌那海之衛庭其妻毛氏亦自

經死蓋洪武八年也初察罕破山東江淮震動太祖
使使通好於察罕察罕來致書亡何元遣戶部尚書
張昺郎中馬合謀齎龍衣御酒以榮祿大夫江西等
處行中書省平章政事告身浮海如江東至則察罕
已死太祖遂不受殺馬合謀以張昺才留官之及擴
廓視師河南太祖乃遣使通好擴廓輒留使者不
遣前後七致書皆不答既出塞復遣人招諭亦不應
太祖以是心放擴廓一日大會諸將問曰諸君度誰
為奇男子者曰常遇春將卒不過萬人橫行無敵真
奇男子耳太祖笑曰遇春信人傑吾得而臣之吾竟

不能臣王保保其人奇男子也竟冊其妹為秦王妃
云張昶仕明累官中書省叅知政事昶有才辨明習
故事裁決如流甚見信任自以故元臣心嘗懇懇會
太祖雖降人北還昶付私書訪其子存亡楊憲得其
書彙以聞下吏按問昶大書牘背曰身在江南心思
塞北太祖乃殺之而擴廓幕下士以不屈節輒出塞
者有蔡子英

蔡子英永寧人元至正中進士蔡罕開府河南辟子
英叅軍事累薦至行省奏政元亡從擴廓走定西明
兵克定西擴廓軍敗子英單騎走關中亡入南山太

祖聞其名使人繪形求得之傳詣京師至江濱亡去
變姓名僭春闕半久之後為有司所迹械過洛陽見
湯和長揖不拜柳之跪不肯和怒焚火焚其鬚不動
其妻適在洛請與相見子英避不肯見至京太祖命
脫械以禮禮之授以官子英不受退而止書曰陛下
秉時應運提三尺劍削平群雄薄海內外莫不賓貢
隆鼎魚漏網假息南山叢者見獲傳送京師垂及渡
江復得脫亡七年之久重煩有司追跡既忤陛下又
忤大臣揆之常情萬死莫贖而陛下以萬乘之尊全
匹夫之節不降天誅反療其疾易其冠裳賜以酒饌

授以官爵陞下之量包乎天地矣臣感恩無極非不
欲自竭犬馬上報深仁但以名義所存不敢輒渝初
志自惟身本韋布遭值亂離操戈行伍智識淺陋遇
家主將知薦仕至七命躍馬食肉十有五年愧無尺
寸之功以報國士之遇及國家破亡又復失節何面
目見天下士所以寧死不敢有他志蓋聞臣之事君
猶女之適人一與之醮終身不改一食其祿終身無
貳是故不正之女中士羞以為家不貞之士中君羞
以為臣管子曰禮義廉耻國之四維四維不張國乃
蹙今金城湯池兵極其精將極其猛府庫充實米

東紅腐國家之盛古未有也陛下猶以為未及於是
興學校明人倫褒死節獎忠義蓋以治天下之本莫
大乎禮義廉恥也以今天下之廣人物之衆不以臣
一人而加少不以臣一人而加多授臣以官何益於
國舍臣不用何損於事陛下創業垂統正當挈持大
經大法以昭示子孫臣民不宜以無禮義廉恥之俘
囚而廁諸維新之朝賢士大夫之列也臣自被獲以
來日夜思維往昔之不死至於今日惟一死可以
塞責乃陛下待臣以禮加臣以恩臣固不敢責死以
盡名亦不敢偷生以苟祿若察臣之愚全臣之忠禁

銅海南果其餘命則雖死之日猶生之年陛下威加
海內不患不伸於匹夫之賤然臣聞仁者不中道而
政節義者不毀志以徇時故王燭閉戶以自縊李希
閔門以自屠彼非慕榮利而樂死亡顧義之所在雖
湯鑊有不得避也眇焉之軀上愧古人死有餘恨惟
陛下裁察帝覽其書益重之館之儀曹忽一夜大哭
不止人問其故曰無他思舊君耳帝知不可奪洪武
九年十二月命有司送出塞令從故主於和林
陳友定一名有定字安國福清人徙居汀之清流世
業農為人沈勇喜游俠鄉里皆畏服之至正中汀州

府判蔡公安至清流募民兵討賊友定應募入見公
安與語奇之使掌所募兵署為黃土峒巡檢討平諸
山寨有功進清流縣尹陳友諒遣鄧克明等陷邵武
汀州畧杉關行省授友定汀州路總管樂之戰於黃
土大捷走克明踰年克明復取汀州急攻建寧守將
完者帖木兒檄友定入援連破賊悉復所失郡縣行
省上其功第一進叅知政事已而置分省於延平以
友定為平章於是友定盡有福建八郡之地友定以
農家子起傭伍日不知書及據八郡數招致文學知
名之士如閩縣鄭定廬州王翰之屬留置幕下粗涉

文史習為五字小詩皆有意理然頗任威福所屬遠
令者輒承制誅竄不絕漳州守將羅良心不平以書
責之曰郡縣者國家之土地官司者人主之臣役而
唐虞者朝廷之外府也今足下視郡縣如室家驅官
僚如園僕擅唐虞如私藏名雖報國實有鷹揚跋扈
之心不知足下欲為郭子儀乎抑為曹孟德乎友定
怒竟以兵誅良而楊清宣慰使陳瑞孫崇安金孔楷
建陽人張翰拒友定不從皆被殺於是友定威震八
閩然事元未嘗失臣節是時張士誠據浙西方國珍
據浙東名為附元約歲漕粟大都兩寇相攻輒不至

而友定嘗歲運糧數十萬至元都海道遼遠至者千
三四元主嘉之下詔褒美太祖既定婺州與友定接
境友定侵處州叅政胡深擊走之遂下浦城克松溪
獲友定將張子玉與朱亮祖進攻建寧破其二柵友
定遣阮德柔以兵四萬屯錦江繞出深後斷其歸路
而自率牙將賴政等以銳師搏戰德柔自後夾擊深
兵敗被執死之太祖既平方國珍即發兵討友定將
軍胡廷瑞何文輝由江西趙彬閔湯和廖永忠由明
州海道取福州李文忠由浦城取建寧而別遣使至
延平招諭友定於是友定置酒大會諸將及賓客殺

明使者瀝其血酒甕中與衆共酌飲之酒酣誓于衆
曰吾曹並受元厚恩有不以死拒者身磔妻子戮遂
往巡視福州環州城皆築壘距壘五十步輒築臺一
成並嚴兵為距守計已而閩杉閩破急分軍為二命
其將以一軍守福而自率一軍守延平以相犄角及
湯和等舟師抵福之五虎門平章曲出引兵逆戰而
敗明人悉緣南臺城附登城守將遁去叅政尹克仁宣
政使桑耳麻不屈死倉院柏帖木兒積薪樓下殺妻
妾及二女縱火自焚死胡廷美克建寧湯和進攻延
平友定謀於衆曰敵兵方銳難與爭鋒不如以持久

困之諸將請出戰不許數請不已友定疑所部叛殺
蕭院判軍士多出降而會軍器局災城中礮聲震地
明人知有變並急攻城友定呼其屬訣曰大事已去
吾惟一死報國諸君宜自努力因退入省堂衣冠北
面再拜仰藥死所部爭開城門納明師師入趨視友
定猶未絕也昇出冰東門適天大雷雨友定復甦遂
械送京師入見帝詰之友定厲聲對曰國敗家亡死
耳尚何言遂併其子海誅之海一名宗海工騎射亦
善賓禮文士友定既被執自將樂歸于軍門至是從
死元末所在盜起民間起義兵保障鄉里稱元帥者

不可勝數元輟因而官之其後或去為盜或事元而
不終惟友定父子死義時人稱完節焉友定既死與
仇東州皆望風納款獨漳州路達魯花赤迭里彌實
其公服北而再拜引斧欲卽棄以佩刀刺喉而死時
云間有三忠謂友定及柏帖木兒迭里彌實也鄭定
字孟宣好擊劍為友定記室及敗降悔入交廣間久
之還居長樂洪武累官至園子助教王翰字用文
仕元為湖州路總管友定敗為黃冠棲永泰山中者
十載太祖聞其賢強起之南剡死有子傳知名而伯
顏子中亦以死節著

伯顏子中其先西域人後仕江西因家焉子中明春
秋五舉有司未第行省辟授東湖書院山長遷建昌
教授子中雖儒生慷慨喜談兵江西盜起授分省都
事使守贛州而陳友諒兵已破贛子中倉卒募吏民
與關城下不勝脫身間道走關陳友定素知之辟授
將省員外郎出奇計以友定兵復建昌浮海如元都
獻捷累遷吏部侍郎持節發廣東何真兵救閩至則
廖將軍永忠已降何真子中跳墮馬折一足致軍前
廖將軍欲脅降之終不屈義而舍之乃變姓名冠黃
冠將行江湖間太祖求之不得簿錄其妻子子中竟

不出署齋鵠自隨有意則死之久之事寢解予中乃
還故里洪武十二年詔令郡縣舉元遺民將官總未
應者論重辟布政司沈奎本密言予中於朝詔即幣
聘使者至予中太息曰死晚矣為歌七章哭其祖父
師友飲鵠而死當元亡時守土之臣仗節死者甚衆
明洪亮太平總管新義赴水死攻集慶行臺御史太
夫福壽戰敗嬰城固守城破猶督兵巷戰兵潰坐伏
龜樓指揮左右欲戰或勸之適福壽叱而射之遂死
於兵叅政伯家奴達魯花赤達尼達思等皆戰死亮
鎮江守將段武希章定定戰死亮寧國百戶張文者

殺妻妾自刎死克徽州萬戶吳訥戰敗自殺克婺州
浙東廉訪使楊惠婺州達魯花赤僧住戰死克衢州
總管馮浩赴水死石抹宜孫守處州其母與弟孺孫
先為明兵所獲令以書招之不聽比克處州宜孫戰
敗走建寧收集士卒欲復處州攻慶元為耿再成所
敗還走建寧半道為鄉兵所殺部將李彥文葬之龍
泉太祖嘉其忠遣使致祭復其處州生祠又祠福壽
於應天余闕於安慶李黼於江州其後大軍北伐克
並都平章普顏不花不屈死克東昌平章申榮自經
死為真定路達魯花赤叙納錫彰聞王師取元都朝

服登城西崖北而再拜投崖死克奉元西臺御史樂
哥失里與妻子俱投崖死左丞拜泰古逃入終南山
却中主可仰藥死檢校阿失不花自殺死三原縣尹
朱春謂其妻曰吾當以死報國妻曰君能盡忠妾豈
不能盡節亦俱投崖死又大軍攻永州右丞鄧祖勝
周守食盡力窮仰藥死克梧州吏部尚書普顏帖木
兒戰死張翔赴水死克靖江都事趙元隆陳瑜劉永
錫廉訪司僉事帖木兒不花元帥元克蠻萬戶董丑
漢府判趙世傑皆自殺克雲南梁王把速剌兀滿密
驅妻子沈滇池與其右丞驢兒在丞達的俱自殺死

至如劉福通徐壽輝陳友諒等所破郡縣守吏及將
帥死事者不可勝數已見元史不具載載其見明實
錄者又有劉鑑者江西人為仁壽教官明玉珍入蜀
棄官隱居瀘州玉珍欲官之輒不就又鳳山趙善璞
者隱居深山玉珍聘為翰林學士亦不就而張士誠
破蕪州守將脫寅不能樂其泰謀楊椿獨挺身格鬪
力死終宵嘆曰怒焉死明日其妻求得其尸撫而哭
之亦自經死士誠又以書幣徵故左司員外郎楊秉
彝松江秉彝酒醒告祖禰顧西日晴明日人生晚節
如是足矣夜分自經死

論曰元倚擴廓為長城中外兵權咸握於其手抑何
重也詎擴廓惟嫌总是修日開開創中而置汝惟於
不問明兵縱橫齊梁如履無人之境迨南征之檄再
下而敵軍已薄大都兵然則亡元者非擴廓而誰哉
國破之後提孤軍出沒雁門希圖為燈臂之奮而卒
窮戴無聊抱頭絕塞甘為亡國之賊殍世之奇男子
聞如是耶數元法之罪如王保保者即萬死莫贖反
不若閩海三忠北面劉頸猶不失為田橫之子弟也
興

明史卷一百六十

列傳十一

徐達字輝祖

增壽

常遇春子茂

昇

徐達字天德濠人世業農達少有大志長身高額剛毅英武太祖為郭子興部帥達年二十二來謁與語奇之留置麾下太祖自濠還里募兵得七百餘人盡以歸子興獨與達等二十四人南畧定遠從破元兵於滁滁州徙取和州皆有功授鎮撫位諸將上子興執孫德崖德崖軍亦執太祖達挺身詣軍請代且曰歸我朱公子我亦歸而帥太祖乃得歸繼德崖易達以還遂從渡江拔采石搗太平與常遇春皆為軍鋒

冠尋從破擒元將陳瑩先於太平別將兵取溧陽溧
水從市集慶太祖留居之命達為大將率諸軍乘攻
鎮江一日克之表荀帥楊完者修平章段武定定號
答胡淵城中晏然援難興翼統軍大元帥時張士誠
已據常州挾江東叛將陳保二以舟師攻鎮江達敗
走於龍潭遂請益師以圍常州士誠遣將來援達曰
敵疲而銳未易力取乃去城十八里設二覆以待別
遣主將用將鐵騎為奇兵而達自將兵前戰鋒既交
均用鐵騎橫突其陣陣亂遂遇伏大敗之獲其
張瑄上將進圍常州不下新附卒叛去士誠兵突出

龜達於莽塘常遇春來援夾擊大破之擒其將張德
真明昂克常州進食樞密院事繼克寧國引兵拘宜
興使前鋒趙德勝下常熟擒士誠弟士德明年復攻
宜興克之太祖命將攻婺州命達魯等守應天別遣兵
襲破天完將趙普勝復池州達同知樞密院事進攻
安慶自無為陸行夜掩浮山寨破普勝部將於青山
遂克潛山縣還鎮池州樞密院遇春設伏敗陳友諒
軍於九華山下斬首萬人生擒三千人遇春曰此勦
賊也不殺將為後患達不可以狀聞太祖報使勿殺
如遇春先以夜斃其人過羊太祖不憚悉縱達餘衆

於是始命達盡獲諸將矣陳友諒盛兵壓龍江達軍
南門外與諸將力戰破之達及之蕪湖焚其舟遂北
至池州希達明年從伐漢取江州友諒走武昌達進
之友諒出戰艦汚陽達營於漢陽之沌口以遏之進
中書右丞明年太祖定南昌降將祝宗康泰叛達以
龍口軍討平之從援安豐破吳將呂珍遂圍廬州會
漢人寇南昌太祖召達自廬州來會師遇於鄱陽湖
友諒軍甚盛達募先諸將擊敗其前鋒殺十五萬人
獲柁巨舟達將戰不已舟被焚撲火更戰復破敵而
出時友諒約士張全龍應天太祖憂之夜達達還居

守而自與諸將鏖戰竟斃友諒明年太祖稱吳王以
達為左相國復引兵取廬州克安豐畧下江陵常德
蕪陵潭辰衡州湖湘并召還尋車牛章適春等并冰
陸兵拘維東陵河通舟師進圍泰州并敗吳兵克其
城獲兵取興化攻高郵會吳人簡宜興達率精兵往
援達獲之還兵克高郵俘吳將士千餘人會常遇春
拔淮安破吳軍於馬騾港守將梅思祖以城降達破
安豐獲元將忻都走左君弼盡得其運餉擴廓帖木
兒侵徐州迎擊大破之俘斬萬計於是淮南北悉平
師還太祖遂議征吳右相國善長請緩之達曰張氏

然而奇諸大將如李伯昇輩擁子女玉帛直旦暮人
并用事者王蔡葉三參軍白面書生易與也臣奉命
主德威以大軍威之三吳可計日而定太祖大悅拜
達天將軍平章遇春為副將軍將二十萬人伐吳別
舟師發龍江趨太湖薄湖州吳人三道出戰達亦分
三軍應之別遣兵扼城斷其歸路吳人戰敗遁走不
得入還數大破之盡其將吏二萬人追圍其城士誠
達與珍等以兵六萬來援至舊館築五寨旬固達使
邊春等為計壘以遮之士誠自必精兵來援戰屯林
表破之士誠遂城昇山水陸寨五太子來還呂珍

等分路盡得其兵以拘城下守戰亦降遂下吳江州
從表朝持平江達軍對門遇春軍虎丘郭子興軍晏
則華雲龍軍丹陽和軍閭門主弼軍盤門張溫軍
西門康茂木軍北門耿瑄天軍城東北仇成軍城西
南何瑄輝軍城西北蔡長圓周之朵木塔與城中浮
屠等別築臺三威向敵樓下瞰城中上置弓弩火筒
未置巨礮其中所擊輒糜碎城中大震達遣使請事
因租勸勞之因將軍謀勇絕倫故能遏絕亂畧消殄
羣難除者事必稟命此將軍之忠焉甚嘉之然將在
師者不御封後軍中緩急將軍其便宜行之吾不中

制平江城堅難猝拔英天祐在無錫遣善潤者潛入
城通問建得而厚賞之使往來為間因盡得其虛實
圓突巡去誠困出兵搏戰矢竭弟士信中礮死賊亦
亦為飛礮擊我軍軍多傷建令軍中架木承以竹笆
伏其下攻之城遂破執士誠送應天得勝兵二十五
萬又始建之將破城也與通春約曰師入吾營其左
公營其右又令將士曰掠民財者死毀民居者死離
營三十里者死既入城吳人按堵如故師還封信國
公尋拜征虜大將軍以通春為副將二十五萬人北
伐表祖觀禡於龍江是時稱名將必推建通春兩人

才勇相類皆太祖所倚重遇春剋疾敢深入而達在
長於謀畧遇春每下城邑不能無誅俘而達所至不
擾即獲壯士與謀亦多結以恩義俾為己用由此多
樂附大將軍者遇春不及也至是太祖面諭諸將謂
軍中持重有紀律戰勝攻取得為將之體者漢如大
將軍達又謂達聞外之寄汝實任之進取方畧宜自
出東始於是師行克沂州降其守將王宣進克澤州
王宣擾叛擊斬之苦寨海諸州悉下乃使韓政分兵
耗河使張興祖取東平濟寧而自率大軍攻蓋都拔
是徇下灘膠諸州縣進薄濟南降其守將分兵取登

萊蕪地悉定洪武元年太祖即帝位以達為右丞相
冊立皇太子以達兼太子少傅副將軍還春蒐塞馬
會師濟南擊斬樂安反者還軍濟寧以舟師所創起
汴渠守將李克彝遁走左君弼竹貞等亦降遂得虎
牢關入洛陽與元將脫因帖木兒大戰洛水北破走
之渠主阿魯溫以河南降累定嵩陝陳汝諸州遂得
潼關李思齊奔鳳翔張思道奔郾城遂入關西累至
華州提聞太祖為車汴渠召達詣行在所置酒勞達
且謀北伐達曰我軍平燕悉掃河洛生保保遠近觀
望而臣潼關既克思齊輩狼狽西奔苑之犂犢志絕

今乘勢直搗元都可不戰而有也帝曰善遂復進曰
先都克而其主北走將窮追之乎帝曰元起朔方承
氣運之隆世有中興今衰矣行自漸滅不煩窮兵出
塞之後固守封疆防其侵轍可也達頤首受命遂與
副將軍會師河陰遣諸裨將分道渡河徇河北地連
平衛輝彰德廣平師次臨清使傅友德開陸道通步
騎顏時茂河通舟師遂引而北副將軍已克德州今
無取委盧杞直沽作浮橋以濟師冰陸並進元丞相
也速望風遁走敗元軍於河而西務進克通州元主以
其母妃太子北去踰五日達陳兵至齊化門填濠塋

城親其監國淮王帖木兒不花左丞相慶童平章迭
兒必失朴賽因不花右丞張康伯御史中丞滿川等
數以莅職無狀且不先納款斬之自餘不戮一人封
府庫籍其圖書寶物以兵千人守宮殿門使宦者獲
視諸宮人妃主禁士卒毋有所侵暴吏民安居市不
易肆奏捷京師詔以大都為北平府置六衛留孫興
祖等守之而命達與遇春率師取山西遇春先下保
定中山真定馮勝湯和定懷慶度太行取澤潞達以
大軍繼之時擴廓帖木兒方引兵出雁門徑保安水
攻北平達聞之與諸將謀曰擴廓遠出太原必虛孫

鄧鄧既而衛之師是以鎮樂今未敢深併直趨太原
傾其衆穴使進不得戰追無所依所謂批亢恃虛者
也彼若西還則救此成擒矣諸將皆曰善乃引兵徑
趨太原據虜堅保要界還軍救之連選精兵夜襲其
營虜以十八騎遁去盡降其軍遂克太原乘勢取
太原馮勝克平陽會軍太原擊定諸山寨破賀宗哲
於石州山西悉平二年引兵西向蒲州渡河至虜臺
張思道遁遂克奉元先一日遣左丞周愷入城中約
衆如下地平時秦民大悅遇春克鳳翔李思齊走臨
洮達魯諸將議師所向皆曰張思道之才不如李思

辭而慶陽易於臨洮請先向慶陽達曰不然慶陽城
險而兵精猝來易拔也臨洮北界河隄西控羗戎得
悉其狀足以備戰固地產足以佐軍儲威以大兵恩
齊不捷則束手縛矣臨洮既克於旁郡何有還慶隴
克秦州入鞏昌遣右副將軍馮勝通臨洮果齊果不
戰降分兵克蘭州度六盤山襲走豫王盡收其部落
獨重還出蕭關下平涼思道走寧夏為擴廓所執其
弟良臣以慶陽降達達薛顯受之良臣復叛夜出兵
襲傷顯達督軍四面圍之擴廓遣將來援逆擊敗去
遂拔慶陽良臣父子自投於井出而斬之盡定陝西

地詔達班師賜白金文綺甚厚且大論封會擴廓寇
蘭州殺指揮使其時刻將軍遇春已卒帝復以達為
大將軍以平章李文忠為副將軍分道出兵三年春
達由潼關出為道將定而取擴廓副將軍自居庸出
東道絕大漠取元朝主達至定而擴廓退走車道見
我軍薄之隔溝而壘日數交擴廓發精兵從間道詔
泰南壘左丞胡德濟倉卒不知所為達率兵擊却之
德濟故越公大海子也械送之京師而斬其下指揮
等數人以徇明日整兵奪溝殊死戰大破擴廓兵擒
新王滿王及國公平章以下文武僚屬千八百六十

餘人將士八萬四千五百餘人馬駝雜畜以巨萬計
擴廓僅與妻孥數人北走阻河得流水以渡乃奔和
林德濟械至京帝釋之而以書諭達曰將軍自效衛
青不斬蘇建耳獨不見穰苴之待莊賁乎將軍誅之
則已今下廷議吾且念其信州諸暨功不忍加誅繼
今將軍毋事姑息達既已破平擴廓則率師自徽
州南一百八渡至畧陽克汧州入連雲棧攻興元取
之而副將軍文忠亦克應昌獲元嫡孫妃王將相先
後露布聞詔振旅還京師帝迎勞於龍江下詔大封
功陞授達開國輔運推誠宣力武臣特進光祿大夫

左柱國太傅中書右丞相參軍國事改封魏國公歲
祿五千石予世券明年優佩大將軍印鎮北平以便
宜徙小使軍民實衛府置二百五十四屯墾田一
市三百餘頃其冬召還五年復大發兵討獯廓大將
軍出中道左副將軍文忠出東道征西將軍勝出西
道各將五萬騎出塞敗獯廓於土刺河獯廓乃與賀
宗誓合而拒我師我師數發疲餒而心易敵戰不利
死者數萬人左副將軍軍亦不利引還獨征西將軍
至西涼獲全勝坐小法賞不行帝以達功大弗問也
明年優率諸將行邊破敵於答刺海還軍北平留三

年而歸已復出鎮歲盡召還以為常還輒上將印賜
休沐宴見歡飲有布衣兄弟稱而達愈謹帝常從容
言徐兇功大未有寧止欲以吾舊邸居若達固辭一
亦與達之即強飲之醉而蒙之被昇卧正處醒而驚
趣下階俯伏呼死罪帝覘知大悅乃命有司即舊邸
前治甲第表其坊曰大功令世世毋忘達也胡惟庸
為丞相欲納好於達達惡之不答則賂達閹者福壽
使圖達福壽發之達亦不問惟時時為帝言惟庸不
任相後果敗帝益重達十七年大陰犯上將帝心惡
之達在北平病背疽稍愈召還明年春疾篤遂卒年

五十四帝為輟朝臨喪悲慟不已進封中山王謚武
寧贈其三世王爵賜葬鍾山之陰御製神道碑文
配享太廟肖像功臣祠位皆第一達官簡慮精提兵
之且令出不二諸將奉持凜凜而帝前謙謹如不能
當善拊循其下與同甘苦傷病者躬自慰問死喪者
哭而棺槨之士無不感恩效死以故所向克捷尤能
嚴禁部伍因敵有所侵暴所乎大都二會省三郡邑
百數間井宴然民不苦兵歸朝之日單車就邸無聲
色采好延禮儒生談議終日雍雍如也以是帝稱之
曰愛命而出成功而旋不矜不伐財寶無所取婦女

無所愛忠志無疵昭明乎日月大將軍一人而已子
四輝祖添福膺緒增壽長女為文皇后次代王妃次
安王妃

輝祖初名允恭身長八尺五寸有材氣以勲衛署左
軍都督府事達亮嗣爵以皇太孫故改賜後名數出
練兵陝西北平山東河南元將阿魯帖木兒隸燕府
有異志捕誅之還領中軍都督府建文初加太子太
傅燕王將起兵王次子高煦方留京師輝祖其弟氏
也因入廐竊其善馬而逃輝祖大驚遣人追之不及
乃以聞於朝遂見親信久之命率師援山東與燕兵

遇齊眉山再戰再破之燕人大懼俄有詔召輝祖還
輝祖既還而諸將勢孤遂相次敗績及燕兵渡江輝
祖猶引兵力戰成祖既至金川門獨守父祠弗迎於
是下吏命供罪狀輝祖操筆惟書其父開國勲及券
中免死語成祖大怒削爵勒歸私第幽繫之永樂五
年卒萬曆中錄建文忠臣廟祀金陵以輝祖居首其
後進贈太師謚忠貞輝祖死踰月成祖詔羣臣謂輝
祖與齊黃輩謀危社稷朕念中山王有大功曲赦輝
祖死中山王不可無後遂命其長子欽嗣九年欽與
臧公勇定公景昌永康侯忠等俱以縱恣為言官所

幼帝睿勇等而令欽歸就學十九年來朝遽辭歸帝
怒罷為民守先塋鳳陽仁宗即位詔復故爵傳子顯
宗永宗承宗天順初守倂南京兼領中軍府公廉恤
士有賢聲卒子倂嗣倂字公輔持重善為容南京獨
重守倂當倂未為守倂時懷柔伯施鑑以協同守倂
位倂上倂不平言於朝以爵為序著為令弘治十二
年給事中胡易御史胡獻以災異陳言下獄倂上章
救之正德中復上書諫遊牧語切直然賄劉瑾與無
錫民爭田人譏之倂嗣五十二年而卒贈太傅謚莊
靖孫鵬舉嗣襲其妻冒封夫人欲立其子為嫡坐奪

祿傳子邦瑞孫維志曾孫弘基自承宗至弘基六世
皆守僻南京領軍府事弘基累加太傅卒謚莊武子
文爵嗣

太清兵下江南文爵降

增壽勇敢善騎射以父任累遷至左都督建文帝既
與燕相猜嫌因謂增壽王得毋反乎增壽頓首曰燕
王先帝同氣止富貴已極何故反及燕師起數以宗
師虛實輸於燕建文帝覺之未及問成祖既渡江建
文帝召增壽詰之不對手劍斬之於殿廡下成祖撫
屍哭既即位追封武陽侯謚忠愍尋進封定國公祿

二千五百石以其子景昌嗣景昌以駙驎數被勅成
祖輟省之成祖崩景昌坐居喪不出宿奪冠服歲祿
已而復之三傳至玄孫光祚累典軍府加太師嗣四
十五年而卒謚榮僖傳子至孫文璧萬曆中領後軍
府以小心謹畏見親於帝數代郊天加太師累上書
請建儲罷礦稅釋逮繫帝亦不忤也嗣三十五年而
卒謚康惠再傳至曾孫允楨崇禎末為流賊所殺洪
武諸功臣惟中山子孫乃有兩公分居南北京魏公
之後多賢而累朝恩數定國常倍之嘉靖中詔裁恩
澤侯世封有言定國公功弗稱者亦竟弗奪也添福

癸卒曆緒初授尚寶司卿累遷中軍都督僉事奉朝
請子孫世襲指揮使弗絕

常遇春字伯仁懷遠人貌奇偉勇力絕人猿臂善射
勅從劉聚為盜蔡聚終無成率所部壯士歸太祖於
和陽未至固卧曰間夢神人被甲擁盾呼曰起起主
君來寤而太祖適到即迎拜無何自請為前鋒太祖
曰汝機來就食耳吾安得汝舅也遇春固以請太祖
猶未許曰能相從渡江乎侯克太平事我未晚也太
祖既引兵薄牛渚磯元兵陳於磯上其下巨舟相次
距岸且三丈餘莫能登者遇春飛舸至太祖麾之前

遇春應聲奮戈直前敵接其戈乘勢躍而上大呼跳
盪元軍披靡諸將乘之遂拔采石永勝取太平乃授
總管府先鋒進管軍總管太祖既渡江而將士妻子
輜重皆在北元中丞瑩子海牙復以舟師襲據采石
界其中太祖自將攻之遣遇春多張疑兵以分元軍
勢戰既合遇春別操輕舸橫衝海牙舟為二左右縱
檣大破之盡得其舟自是江南北復通尋命守溧陽
從攻應天功為諸將最從元帥徐達取鎮江進攻常
州降卒叛與吳兵圍達於牛塘遇春往援破解之擒
張將軍進統軍大元帥既克常州達中翼大元帥從

達攻寧國中流矢暴創而闕克之別取馬駝沙以舟
師攻池州一日下之斬洪元帥破舟師之來援者進
行省都督馬步水軍大元帥從取婺州轉同僉樞密
院事守婺移兵攻衢州圍其六門造攻車雲梯高興
城埽又穴地道攻城不克乃以奇兵突入南門蹙城
毀其戰具急攻之遂下得甲士萬人進僉院攻杭州
失利召還應天從達拔趙普勝之水寨從達守池州
大破漢兵於九華山下語其達傳友諒入寇薄龍海
遇春以五翼軍設伏大破之遂復太平功最太祖追
發諒於江州命遇春留守用法嚴軍民肅然無敢犯

進行省參知政事從取安慶漢軍出江游徼遇春擊
之皆反走乘勝取江州還守龍灣援長興俘殺吳兵
五千餘人其將李伯昇解圍遁破叛卒羅友賢於
池州悉平其餘黨當是時太祖所任將帥最著者平
章邵榮右丞達興遇春為三而榮尤宿將善戰至是
怏怏有異心與參政趙繼祖謀伏兵為變事發覺太
祖欲宥榮死遇春直前曰人臣而以反名如之何宥
之臣誰不與共生太祖乃飲榮酒流涕而戮之曰是
蓋愛重遇春從獲安塞北至城且陷呂珍軍甚盛我
左右軍皆敗遇春橫擊其陳三捷大破之俘獲

士馬無算遂從達圍廬州城將下而陳友諒圍洪都
召還會師伐漢遇於彭蠡之康郎山漢軍乘上流鋒
銳甚遇春偕諸將大戰呼聲動天地無不一當百友
諒驍將張定邊直前犯太祖舟舟膠於淺幾殆遇春
射中定邊定邊却太祖舟得脫而遇春舟復膠於淺
適有敗舟順流下觸遇春舟舟乃脫轉戰三日縱火
焚漢舟湖水甘赤友諒乃不敢戰諸將以漢軍尚強
欲縱之去遇春獨無言叱出湖口諸將欲放舟東下
太祖命扼上流遇春乃溯江而上諸將從之友諒遂
窮蹙以百艘突圍遇春復縱火舟火筏禦之漢軍大

漬友諒遂破亡師還第功最齊金帛土田甚厚從圍
武昌太祖還應天留遇春督諸軍圍之漢丞相張必
先自岳來援遇春乘其未集急擊破之禽必先城中
由是氣奪陳理遂降盡取荊湖之地進中書平章政
事明年從左相國達取廬州別將兵畧定臨江之沙
坑麻嶺十洞牛陂諸寨遂下吉安圍贛州熊天瑞固
守不下太祖使使諭遇春克城之日無多殺俘於是
遇春浚壕立柵以困之頓兵六月天瑞力盡乃降太
祖聞遇春果不殺大喜賜書褒勉之遇春遂因兵威
諭降南雄韶州還定安陸襄陽復從徐達取淮東亮

泰州敗其援兵督水軍壁海安壩以遏吳人其秋拜
副將軍伐吳敗吳軍於太湖於毗山於三里橋遂薄
湖州張士信悉境內兵來援屯於舊館壓我師背遇
春將奇兵出大金港更壓其背士信出精卒搏戰奮
擊破之又破吳軍於東阡追襲徐右丞於平望盡燔
其赤龍船攻烏鎮遂北至界山破其水陸寨悉俘獲
館兵湖州遂下進圍平江軍於虎丘士誠潛師趨過
春遇春與戰北濠大捷幾獲士誠久之諸將破葑門
過春亦遂破閘門以入吳平召見進中書平章軍國
重事封鄂國公復拜征虜副將軍與大將軍率步騎

二十五萬以北帝親諭司當百萬之衆摧鋒陷堅莫如副將軍遇春不慮不能戰慮其輕戰耳夫遇春大將也而好與一小校角甚非吾所望也遇春拜謝既行以遇春兼太子少保從下山東諸郡取汴梁進攻河南元軍五萬陳洛水北遇春單騎奪其陳敵二十餘騎攢刺遇春遇春一天璽其前鋒大呼馳入麾下壯士從之敵大潰河南平還謁帝於汴梁遂與大將軍下河北諸郡先驅取德州將舟師並河進破元兵於通州兩岸遂取通州禁止侵暴人不知兵遂入元都別下保定河間真定與大軍次太原擴廓帖木

兒來援遇春言於大將軍達曰我騎兵雖集而步卒未至驟與之戰必多殺傷不如夜劫之可以得志達曰善會橫廓部將竅鼻馬來約降且請為內應乃選精騎夜銜枚往襲橫廓方燃燭治軍書倉卒不知所出跪一足乘孱馬以十八騎走大同竅鼻馬降得甲出四萬遂克太原詔改遇春左副將軍居右副將軍馮勝上北出取大同轉徇河東下奉元路遂與勝軍合而拔鳳翔會元將也速寇通州詔遇春還討以平章李文忠副之率步騎九萬發北平徑惠州敗敵將汪文清於錦川敗也速於全寧進攻大興州分千騎

為八伏守將反遁盡擒之遂薄開平元主北走追奔
數百里獲其宗王慶王及平章昂住等凡得將士萬
人車萬輛馬三千匹牛五萬頭子女寶貨稱是師還
次柳河川暴疾卒年僅四十太祖聞之大震悼喪至
龍江親出奠命禮官議天子為大臣發哀禮議上用
宋太祖喪韓王趙普故事制曰可賜奠鍾山原給明
器九十事納諸墓中贈劍運推誠宣德靖遠功臣開
府儀同三司上柱國太保中書右丞相追封開平王
謚忠武配享太廟肖像功臣祠位皆第二遇春沈驚
果敢善撫士卒出則摧鋒入則殿後未嘗敗北雖不

習書史而用兵決勝輒與古今長於大將軍達三歲
數從征伐必聽約束惟謹一時言名將者率推遇春
配建稱徐常遇春嘗自言能將十萬衆橫行天下故
軍中又稱常十萬云遇春從弟榮積功為指揮同知
從曹公文忠出塞戰死腫胸河于茂界

茂以遇春功封鄭國公于世券性驕悍不習事太祖
知之故不使將兵洪武二十年始命從大將軍馮勝
北征紇哈出勝茂婦翁也茂以不得任偏裨將意邑
邑不樂多不奉勝約束勝數誚責之茂應之又不順
勝頗怒茂未有以發也會紇哈出請降詣右副將軍

藍玉營酒次與玉相忤納哈出取酒澆地顧其下坐
出語是時茂方在坐麾下趙指揮者解蒙古語密以
告茂謂納哈出將遁茂因出不意直前搏之納哈出
大驚起欲就馬茂拔刀砍其臂傷於是納哈出所部
聞之有驚潰者勝故怒茂至是增飾其狀奏茂激變
遂檄禁至京師茂亦言勝諸不法事帝收勝總兵印
而安置茂龍州龍州土司也故守趙貼堅死從子宗
壽當襲貼堅妻黃氏愛女子茂為小妻擅州事其後
茂死成所而黃與宗壽舉州即相告訐帝以遠人置
不問或構蜚語曰茂聽從所實不死宗壽知狀帝怒

命楊文韓觀出師討龍州已而知茂果死宗壽亦輸款為罷兵茂無孑

罪以冠茂得罪數封開國公數出練軍加太子太保涼國公藍玉以叛誅畀藍氏出也或告其聚兵三山謀不執坐死安置其子繼祖於雲南之臨安衛永樂初召至京賜金幣遣還繼祖子寧寧子復弘治五年詔曰衣廟配享諸功臣其贈生者皆佐皇祖平定天下有大功而子孫或不沾寸祿淪於氓隸朕不忍所司有求其世嫡量授一官奉其先祀乃自雲南召復授南京錦衣衛世指揮使嘉靖十一年紹封四王後

封侯孫玄振為懷遠侯傳至曾孫延齡有賢行福王
時諸微侯莫不志願獨延齡以守職見稱國亡後身
自濯園蕭然布衣終老

論曰自古智勇超群者往往德量有歉鮮克以功名
終為世所惜達馭下嚴而有恩士卒樂為之用又所
至不擾考好泊如即財賄一無所動殆卓爾名將之
風也且勦伐冠百僚矣而自視歔然忠謹彌篤胸志
皎如白日膏無纖芥之嫌故太祖終託以肺腑畧無
疑間竊偶然哉其德量誠有過人者矣遇春勇邁以
摧陷為能固宜所向無敵而寬和之度實頗遜於達

然其心奉上即捐糜不回則兩人所同也太祖每
遇大征伐閭外之寄一屬諸達而必以遇春副之二
美交濟各抒其長任使之嘉雖漢高不是過矣而兩
人者遂並得以乘時建監為開國元臣聲施於竹帛
則孰謂風雲之感不以其人也哉

明史卷一百六十一

列傳十二

李太文忠公景隆鄧愈

湯和

李太文忠公景隆字保兒盱眙人太祖姊子也年十五而母死父負攜之轉側亂軍中瀕死者數矣久乃獨太祖於滁陽太祖見保兒喜甚撫以為子賜姓朱氏全諱書穎敏如素習年十九以舍人將親軍從援池州雷擊破天完軍驍勇為諸軍冠別攻青陽石埭朱希雅德背卡之敗元院判阿魯灰於萬年街復敗苗軍于於港昌化進攻淳安夜襲洪元帥降其衆千餘援張瑄左副都指揮兼領元帥府事尋會鄧愈胡

尖海之師取建德以爲嚴州府守之苗帥楊完者以
苗獠之衆數萬水陸奄至文忠將輕兵迎擊破其陸
軍取所載首載巨筏上放之中流水軍見之亦遁既
而完者復入寇與鄧愈合兵擊却之進克浦江下令
禁焚掠示恩信義門鄭氏避兵山谷招之還以兵護
之民大悅楊完者死其部將乞降文忠往撫之得三
萬餘人與胡大海合攻諸蠻拔之張士誠寇嚴州文
忠禦之於東門使別將出小北門間道襲其後夾擊
大破之踰月獲米數破之於大浪灘乘勝克分水士
誠遣其將據三溪以遏我師復擊敗之斬陸元帥焚

其聖士誠自是不敢窺嚴進同舍行樞密院事城嚴
而守之朔大海得漢將李明道王漢二送文忠所釋
而禮之使招建昌守將王溥溥遂降苗將蔣英劉震
殺大海以金華叛文忠遣將馳赴至蘭谿英等遁走
遂觀至金華撫定其衆而處州苗軍亦叛殺耿再成
文忠遣將屯縉雲以圖之拜浙東行省左丞總制嚴
衢信處諸全軍事而吳兵十萬方急攻諸全守將謝
再興告急遣同舍胡德濟往援再興復請益兵文忠
兵少無以應乃揚言徐右丞邵平章將大軍已至嚴
剡迫進發謀者以告吳軍吳軍懼欲遁德濟乃與再

興率死士夜半開門突擊大破之諸金遂完明年謝
再興亦叛降於吳以吳軍犯東陽文忠與胡深迎擊
過於義烏前鋒接文忠將千餘騎橫突其陣大敗之
已而用胡深策去諸金五十里別築一城以相犄角
吳軍數撓我文忠提兵四面應之敵不得近城成吳
人患之遣司徒李伯昇以十六萬衆來攻不能克而
去踰年伯昇復以二十萬衆攻新城守將德濟告急
文忠詣父貞權總軍務守嚴而自率朱亮祖等馳救
赴新城十里而軍德濟使人來告謂賊勢盛宜少
避其鋒俟大軍至而後擊之文忠曰兵在謀不在衆

若果戰而退，彼勢益張，大軍雖至，難以勝矣。遂下令曰：「彼衆兩騎，我步而銳，以銳遇驕，必克。」彼軍始重山，積此天以害汝曹也。勉之，會有白氣自東北來覆我軍，此也。」曰：「必勝。」詰朝會戰，天大霧晦，莫文忠集諸將俾夾誓曰：「國家大事在此一舉，文忠不敢愛死。」以後軍，於是使元帥徐大興、湯克明等將左軍，嚴德王德等將右軍，而自以中軍當敵衝。會處州援兵亦至，衆奮前搏敵，霧稍開。文忠橫槊引鐵騎數十乘，高馳下直入賊陳，衝其中堅。吳軍亦以精騎迎文忠，圍之。敵重矛屢及滕文忠手，所格鏃盡，衆縱橫搏擊所向

聲聲吳軍遂亂相蹂躪大軍乘之城中守兵亦鼓譟
而出吳軍大潰迤北數十里斬首數萬級漢水盡赤
獲將校六百甲士三千委棄鎧仗芻粟收之數日不
盡伯昇再興僅以身免捷聞太祖大喜召文忠歸宴
勞彌日賜御衣名馬遣還鎮明年秋大軍伐吳令文
忠攻杭州以牽制之貞復權掌軍務守嚴文忠攻桐
廬新城富陽皆克之悉以俘卒送嚴嚴城空虛俘卒
叛去貞饗其衆至醉悉縛送應天文忠遂引軍攻
餘杭守將謝五再興弟也諭之降許以不死五遂與
再興子五人出降諸將請俘之文忠不可遂趨杭州

守將潘元明乞降整軍而入元明以女樂迎麾去之
止壁虎熊下令曰敢擅入民居者死一卒下借民食
立新以徇城中帖然得兵三萬糧二十萬就加紫綬
太夫浙江行省平章政事復姓李氏初太祖定應天
以軍興不給增民田租至是文忠請於朝得減額大
軍征閩文忠別引一軍屯浦城以備之洪武元年以
文忠家貧為駙馬都尉封恩親侯母為孝親公主太
軍還自閩餘寇金子隆等相聚攻剽文忠復總兵往
討悉破禽之遂定建劍汀三州命軍中收道上棄兒
養之斯全活無算三年春以偏將軍同常將軍出塞

薄上都是元主語具遇春傳遇春平文忠代將其軍
奉詔西會大將軍軍攻慶陽行次太原聞慶陽已下
而大同被圍甚急文忠曰兵可無而也援大同使軍
吏曰壽命可乎文忠曰聞外之事苟利於國事之可
也遂出雁門次馬邑敗其游軍禽平章劉帖木進至
白楊門禽四大王元兩軍已駐營文忠令移前五
里阻水自固元兵果乘夜來劫文忠堅壁不動質明
敵大至以二營委之士皆殊死戰久之度敵疲乃出
精兵為左右翼掩襲賊破之禽其驍將脫列伯得新
萬餘人窮追至赫哥倉而還明年拜征虜左副將軍

興大將軍分道討文忠以十萬人出野狐嶺至興
和降其守將進兵察罕腦兒禽平章祝其次駱駝山
擊走平章沙不丁次開平降平章上都罕等時元主
色祖太子愛猷識里達臘新立所部多攜文忠謀知
逆策程趨應昌愛猷識里達臘北走獲其嫡子買的
魯孫剌哈妃宮人墜諸王將相官屬數百人獲宋元
主寶金寶十五玉冊二鎮圭大圭玉帶玉斧各一出
精騎窮追至北慶州而還道興州禽國公江文清等
降三萬七千人至紅羅山又降楊思祖之衆萬六千
餘人獻捷京師帝為御奉天門受朝賀大封功臣授

開國輔選推誠宣力武臣特進榮祿大夫右柱國大
都督府左都督封曹國公同知軍國事食祿三千石
予世券追封孝親公主為曹國長公主貞加封如某
子爵賜甲第城西太祖時幸貞第太子諸王時往起
居親重無與比四年秋己子蜀地令文忠往相循之
英威都新城發軍戍諸郡要害乃還明年復以左副
將軍北討出居庸趨和林至口溫元人遁進至臚朐
河令部將韓政等守輜重而自率大軍入齊二十日
糧疾馳至土剌河元太師蠻子哈剌章悉衆渡河列
陣以待文忠引帝薄之敵稍却至阿魯渾河敵未並

衆方戰文忠馬忽流矢下馬持短兵接鬪指揮李榮
脫所乘馬授文忠而自奪敵馬乘之文忠得馬益奮
厲麾兵殊死戰遂破敵而獲萬計追奔至稱海敵兵
復大集文忠乃歛兵據險椎牛饗士縱所獲馬畜於
野示閒暇敵疑有伏稍稍引去文忠亦引還失故道
至桑哥兒麻之水渴甚文忠禱於天忽所乘馬以足
蹋地泉隨湧出三軍皆給乃刑牲以祭遂還是役也
軍幾殆所俘獲不多而徽侯曹良臣指揮使周顯常
榮張雄俱戰死以故賞不行六年行北平山西邊留
屯懷縣七年遣都將分道出塞一軍出三不刺川俘

平章陳安禮一軍出順寧楊門斬真珠驪一軍出白
登禽太尉不花其秋率師攻大寧高州克之斬宗室
朵朶失里禽承旨百家奴追奔至德帽山擊斬魯羊
獲其妃及司徒答海等進師蓋州禽元故官十二人
馬駝牛羊甚衆窮追至百千兒乃還十二年洮州十
八番族叛與西平侯合兵討平之築城東龍山南川
置洮州衛戍之還言西安城中水縣國不可飲請鑿
地引龍首渠入城以便汲從之命提督大都督府參
贊軍國事兼領國子監事宋忠若輩沈宏人莫測其
際臨陳蹕厲風發遇大敵益壯顏好崇問嘗靜事金

華范祖幹胡翰通曉經義為詩歌雄駿可觀功名既
火類矣及其釋兵家居恂恂若儒者家故多客嘗以
客言勸帝少誅僇又諫帝征日本及言宦者過盛非
天子不近刑人之義以是積忤旨頗不免譴讓十六
年冬遂得疾帝親幸其第視之使淮安侯華中瓊醫
藥明年春卒年四十六帝疑中毒之貶中爵放其家
屬予建昌衛而悉誅醫及其妻子親為文致祭追封
岐陽王謚武靖配享太廟肖像功臣祠位皆第三父
貞光文忠卒贈龍西王謚恭獻文忠三子景隆增枝
芳英皆帝賜名增枝初授勳衛擢前軍左都督芳英

官至中都正留守

景隆小字九江讀書通典故與方孝孺友善長身秀眉朗目顧盼偉然每朝會進止雍容甚都太祖數日屬之既襲爵屢出練軍湖廣陝西河南市馬兩番進掌左軍都督府事加太子太傅建文帝即位景隆以肺腑見親任燕兵起長興侯耿炳文武定侯郭英樂之皆敗於是蘇恭黃子澄等共薦景隆乃拜景隆為征虜大將軍北伐賜通天犀帶帝親為推輪餞之江浙令一切得便宜行事景隆責公子暴橫兵柄自尊大每陞帳輒踞高坐令諸將匍匐入謁諸宿將皆景

隆太人衍景隆高無所加禮悉怏怏不肯為用識者
知其將敗矣景隆馳至德州受代即會兵前營河間
成祖聞之語諸將曰李九江純綺少年耳一旦付兵
車半萬是自坑其衆也景隆引軍攻北平渡盧溝橋
意得甚以鞭擊鎧曰不守此橋無能為也進圍北平
築壘九門自督軍攻麗正門垂拔城中投瓦石下擊
軍驟退而都督翟能已破彰義門後軍不繼景隆更
使人止之城中汲水灌城城冰而堅遂不可拔景隆
乃為長圍以困之成祖還兵自敕景隆馭軍嚴士卒
厲面執戟晝夜立風雪中不得息多凍死者臨戰率

不能執其遂大潰死者數萬景隆奔德州明年成祖
復攻大同以致景隆景隆遽引軍出紫荆關往救
寒士卒墮指者十二三乃還軍德州先是中朝恐景
隆權尚輕遣中官齎璽書賜黃金鉦朱弓矢得專
征伐渡江大雷雨舟壞盡失之更製以賜於是景隆
益驕前營白溝河與武定侯合軍六十萬號百萬列
陣橫亘數十里燕軍來戰鋒交連勝之幾得成祖已
而大敗武定侯等潰而北景隆潰而南死者三十萬
景隆走德州燕軍圍之景隆拔其衆走濟南燕軍躡
之景隆衆尚十餘萬倉卒布陣未定為燕軍所乘復

我敗死者萬人保濟南建文帝乃召還黃子澄漸
贖魏景隆於朝班請錄之以謝天下帝竟不問及燕
軍渡江帝使景隆及尚書茹瑺都督王佐如燕軍割
地請和景隆等遂蒲伏輸款成祖即位授景隆奉天
輔運推誠宣力武臣特進光祿大夫左柱國增歲祿
千石朝廷有大事景隆猶以班首主議諸功臣咸扼
腕景隆永樂二年周王發其前主帥即訊受賂事而
刑部尚書鄭賜等亦論劾景隆包藏禍心蓄養亡命
謀為不軌詔勿問已而成公朱能吏部尚書蹇義與
文武百官廷劾景隆及弟增枝逆謀有狀已六科都

給事中張信得復勅之詔削勲號絕朝請以曹公珣
第奉曹國長公主之祀亡何禮部尚書李至剛等復
言詞事者至景隆家猶坐受閭人伏謁如君臣禮太
不道增枝多立莊田蓄僮僕無慮千百意巨測於是
奪曹公爵并增枝等級其妻子數十口同錮私第盡
沒其財產正統十三年始下詔令落門第得自便亡
何景隆卒弘治初錄岐陽後以景隆曾孫璿為南京
錦衣衛世指揮使卒子謙嗣卒子性嗣嘉靖十一年
詔封性為臨淮侯祿千石璿年卒無子復以謙弟沂
紹封卒子庭竹嗣屢典軍府提督標江佩平蠻將軍

保鎮湖廣卒子德恭嗣守備南京恭督京營累加少保言恭好學能諫折節寒素兩京游士爭歸之卒子宗城嗣宗城少以文學知名公卿間薦曆中倭犯朝鮮發兵救之不利兵部尚書石星聽沈惟敬言主封貢薦宗城市援都督僉事以正使持節往封都督楊方亨副之惟敬先驅渡海宗城等遷延朝鮮境上倭陽言如約受封比至釜山倭衆道路籍籍言且初二使宗城恐日夜涕泣惟敬又為流言脇之遂變服逃歸而方亨渡海大為倭所辱竟不成封宗城下獄論戍以其子邦鎮嗣侯至明亡爵除

鄧愈虹人初名友德太祖為賜名父順興據臨濠與
元兵相拒戰死兄友隆代之復病卒衆推愈領軍事
愈年甫十六每出戰必先登陷陣軍中咸服其勇太
祖起滁陽愈自盱眙來歸授管軍總管從渡江克太
平破禽陳瑄先下集慶路定漂水取鎮江皆有功進
廣興翼元帥出守廣德州破長鎗帥謝國璽於城下
俘其總管武世榮獲甲士千移鎮宣州以其兵取休
寧績溪與胡大海攻徽州克其城遷行樞密院判官
守之苗帥楊完者以十萬衆來攻守禦單弱愈激厲
將士與胡大海餘擊破走之進攻婺源守將鐵木兒

不花出戰敗之。悉拔其城，獲卒三千，徇下高河壘。與李文忠、胡大海攻建德，道遂安，破長鎗帥余子貞。遂北至淳安，又破其援兵，遂克建德。楊完者來攻，破禽其將李副樞，降溪洞兵三萬。踰月，獲破楊完者於烏龍嶺，再遣僉行樞密院事略臨安李伯昇來援，敗之。桐林寨遣使說降饒州守將于光，遂移守饒。偽漢陳友諒來攻，輒擊却之。進江南行省叅政，總制各翼，遂引軍取淳、梁、徇、樂平，餘千建昌。皆下，進圍隆興。撫州守將鄧克明為吳宏所攻，遣使偽降以緩師。愈知其情，卷甲夜馳二百里，比明入其城，克明出不意，單騎

走愈號令嚴秋毫不犯民獻牛酒悉却不受克明不
得已籍四路之地以降遂定撫州胡美亦獻隆興太
祖自往撫定之以愈為江西行省叅政守洪都而命
降將祝宗康泰以所部從二人初不欲降及奉命從
徐達攻武昌遂反舟次女兒港還趨城夜破新城門
而入愈倉卒聞變以數十騎出走數與賊遇從騎被
殺幾盡愈窘甚連跨三馬馬輒踣最後得養子馬乘
之乃得脫奪撫州門以出奔還應天太祖弗之罪也
既而徐達還師復南昌太祖乃復命愈佐洪都將誅
文正再往鎮之無明年陳友諒悉衆號六十萬寇

治樓船高與城等。張璠抵南昌城下，圍之數百重。
愈分守撫州門，最當漢人要衝。友諒親督衆以攻城，
壞止三十餘丈。愈且築且戰，城得復完。漢人攻之益
急，璠解甲者三月。太祖自將來援，圍始解。論功
與克敵等，太祖已平武昌，使愈率兵徇江西，未附州
縣。鄧克明之弟志清據永豐，有卒二萬，愈擊破之。禽
其大帥五十餘人，無常遇春悉平沙坑、麻嶺諸寨，進
兵取吉安。圍贛州五月，乃克之。南安、南雄、韶州諸路
悉下。進江西，方丞時年二十八，兵興諸將早貴，未有
如愈與李文忠者。愈為人簡重，慎密不憚危苦，將軍

嚴蕃撫降附其徇安福也部卒有肉掠者判官滿樞
大錫勅將軍奉揚大威賊渠未靖而先掠良民非平
伐之義也愆大驚謝之趨下令掠民者斬索軍中所
得子女盡出之樞因閉寢空舍中自坐舍外作糜食
然卒有謀夜劫取者愆鞭之以徇樞悉獲還其家
民大悅已而常遇春克襄陽襄陽為建康上游西掠
巴蜀北控河洛烽火相望新附之民未有固志太祖
乃以愆為湖廣行省平章往鎮其地賜以書曰爾戍
襄陽宜謹守法度山寨未歸者兵民悉仍故籍小校
以下悉令屯種以耕且戰爾所戍地隣曠廓若爾愛

如器民法行於軍則彼之所部皆將慕義來歸如脫
虎口就慈母戎賴爾如長城爾其勉之愈於是披荆
棘立軍府營屯練卒拊循招徠威惠甚著吳元年建
御史臺召愈為右御史大夫領臺事洪武元年兼太
手掄德大將軍經畧中原愈為征戍將軍率襄漢兵
臨南陽以北未附州郡遂克唐州走守將劉平章進
城南陽敗元兵於瓦店遂北抵城下遂克之禽史國
公等二十六人隨州築舞陽魯山諸縣相繼降攻牛
心石陂洪山蜀河諸山寨皆平之均房金商之地
遷徙三年以征虜左副副將軍從大將軍出定西大

破虜於沈兒峪分兵自臨洮進克河州招諭吐番
諸酋長宣慰何鎖南等皆納印請降追豫王至西黃
河抵黑松林破斬其大將河州以西朵甘烏思藏諸
部悉來歸附出甘肅西北數千里而還論功授開國
輔運推誠宣力武臣特進榮祿大夫右柱國封衛國
公同參軍國事歲祿三十石予世券五年辰澧諸蠻
作亂愈以征南將軍率師討平之凡克四十八洞又
捕斬房州反者以左副將軍從徐達巡西北邊十年
吐蕃川藏為梗剽資使愈以征虜將軍率副將軍沐
英討之分兵為三道深入覆其巢窟追至崑崙山俘

新萬計獲馬牛羊十餘萬。留兵戍碾北諸要害。乃還。
道病至壽春卒。年四十一。追封寧河王。謚武順。長子
鎮嗣。改封中園公。以征南副將軍平永新龍泉山寇。
再出塞有功。其妻李善長外孫也。善長敗。坐奸黨誅。
弟銘錦衣衛指揮僉事。征蠻卒於軍。有子源為鎮後。
弘治中授源孫炳為南京錦衣衛世指揮使。嘉靖十
六年績封炳子繼坤定遠侯。五傳至文明崇禎末死。
流賊之難。

湯和寧陽臣。漢人。幼有奇志。嬉戲常習騎射。部勒羣
兒。身長七尺。倜儻多計略。滁陽王初起。和率壯

士卒餘人歸之以千戶從太祖攻大洪山克滁州授
管軍總管遂從取和州時諸將多太祖等夷莫肯為
下和長太祖三歲獨奉約束甚謹太祖甚悅之從定
太平獲馬三百從擊陳瑊先水軍流矢中左股拔矢
復開卒與諸將破擒瑊先別下溧水句容從平集慶
從徐達取鎮江進統兵元帥徇奔牛呂城降陳保二
取金壇常州既下以和為樞密院同僉守之再寇再
擊却之俘斬千計進攻無錫大破吳軍於錫山走莫
天祐肅其妻子進中書左丞以舟師徇黃楊山敗吳
水軍獲千戶四十九人拜平章政事引軍授長興與

張士誠搏戰城下城中兵出夾擊大敗之俘卒八千
解圍而還討平江西諸山寨永新守將周安叛進擊
敗之破其十七寨圍城三月克之執安以獻還守常
州從大軍伐張士誠克太湖水寨下吳江州圍平江
閉於閘閘飛礮傷左臂召還應天創愈復往攻克之
論功賜金帛初建御史臺以和為左御史大夫兼太
子諭德尋拜征南將軍與副將軍吳禎率常州江陰
諸軍討方國珍渡曹娥江下餘杭洪瑱進攻慶元慶
元亦下國珍走入海追擊敗之獲其大帥二人海舟
七十五艘斬馘無算還定諸屬城而使使招國珍國

珍所部皆降國珍不得已亦詣軍門降得冰陸卒以
萬四千海舟四百餘艘浙東悉定遂與副將軍廖永
忠討陳友定自明州由海道乘風徑抵福州之五虎
門駐師南臺使人諭降不應遂圍之賊其平章曲出
兵於城下叅政袁仁請降遂乘城入分兵徇興化漳
泉及福寧諸州邑未下者進攻延平圍十日而城下
擒友定獻俘京師時洪武元年二月也大軍方北伐
命遣將明州運糧輸直沽海多颶風輸鎮江而還拜
福將軍從大將軍西征與右副將軍馮勝自懷慶諭
表行取澤潞晉降諸州郡從大將軍拔河申明年渡

河入潼關分兵趨涇州使部將招降張良臣既而虜
叛會大軍圍慶陽執斬之越六盤山逐餘寇還京師
論功賞金幣當大將軍之半又明年復以右副副將
軍從大將軍討獮獠敗之於定西遂定寧夏邊北至
塞罕腦兒擒其猛將虎陳獲馬牛羊十餘萬狗東勝
大同宣府皆有功還授開國輔運推誠宣力武臣崇
祿大夫柱國封中山侯歲祿千五百石子世泰四年
拜征虜將軍與副將軍廖永忠率舟師溯江伐夏要
秦嶺與扼險和攻之不克江水暴漲駐師大溪口久
不進而傳將軍已自秦隴深入取漢中永忠先驅破

瞿塘關入夔州和乃引軍繼之遂入重慶降明鼎師
還博廖三將軍受上賞而和不及明年從大將軍北
伐通敵於斯頸山戰敗亡十指揮尋與李善長營宮
闕於中都鎮北平彰德覘其城征察罕腦兒大獲以
征西將軍併遠延安帝念和久勞於外十一年春進
封信國公歲祿三千石俾議軍國事數出中都臨清
北平練軍伍完城郭十四年以左副將軍北伐覆敵
於山營獲其子章別里哥樞密使久通而還十八年
思剌蠻叛和必征虜將軍從楚王討平北俘獲兩萬
悉禽其酋以歸和為人先敵多智數頗好飲有酒過

先守常州時嘗請事太祖不得醉而出悲言曰吾鎮
此城如據屋脊坐左顧則左右顧則右太祖聞而銜
之論封功臣以和征閩時放遣陳友定餘孽八郡復
援師還為秀蘭山賊所襲失二指揮故不封公伐蜀
還而數其逗撓罪頓首謝乃已其封信公也猶數其
常州時過失錫之券於時帝春秋寢高天下無事魏
公曹公偕已前卒意不欲諸將久典兵未有以發也
和以間從容為帝言臣犬馬齒長不堪復任驅策願
得歸故鄉為客棺之墟以待骸骨帝乃大悅立賜鈔
貲第中郡并為諸公侯治第既而倭寇海上帝患之

顧謂和曰卿雖老強為朕一行和請與方鳴謙俱方
鳴謙者國珍從子也習海事帝嘗訪以禦倭之策鳴
謙曰倭海上來則海上禦之耳能量地遠近置衛所
陸聚兵水具戰艦錯置其間倭無所得入入亦無所
得若縱之登岸則難制矣帝曰善安所得戍卒對曰
兵興以來民甚畏卒而募為之若四民籍一以為兵
國無所苦也帝以為然遣和董其事和乃度地自于
浙西浙東並海設衛所城五十有九選丁壯三萬五
千人築之盡於州縣錢及籍罪人資給役役夫往往
邊望而民家塙除確礧之石率發以佐築浙人頗苦

之或謂和曰民謫矣奈何和曰吾聞成遠算者不近
量任大事者不細謹若以國之無備及於戈鋌并里
將墟安所得確磴乎復有謫者齒吾劍踰年而城成
精軍次定考格立賞令浙東民四丁以上者戶取一
丁成之凡得五萬八千七百餘人明年閏中並海城
工亦竣還報命而和新第亦成和率妻子陞辭賜黃
金三百兩白金二千兩鈔三千錠彩幣四十有副夫
人胡氏賜亦稱是並降璽書褒諭諸功臣莫得比焉
自是和歲一朝京師二十三年朝元旦感疾失音帝
即日臨視惋歎久之遣還里疾小間復命其子鼎迎

至都俾以安車入內殿宴勞俸至賜金帛御膳法酒
相屬其憂奸黨事覺公侯坐死者二十餘人又三年
窮治逆黨諸功臣先後麗法稀得免者而和卧疾自
如二十七年和疾寢篤不能興帝思見之詔以安車
入親手拊摩之與叙里閤故舊及兵興艱難事甚悉
和不能對稽首而已帝為流涕厚賜金帛為葬費明
年卒年七十進封東甌王謚襄武和晚年益為恭慎
入聞國論一語不敢外泄膝宴百餘病後悉資遣之
所得賞賜多分遺鄉曲故舊及貧無告者而所築沿
海城戍皆堅緻久而不圯正德嘉靖間倭屢入寇浙

人賴以自保多歌思之巡按御史請於朝立廟以祀
和五子長子鼎為前軍都督僉事從征雲南道卒少
子醴積功至左軍都督同知征五開卒於軍鼎子晟
晟子文瑜皆早世不得嗣英宗時文瑜子傑乞嗣爵
竟以歷四十餘年未襲命罷之傑無子以弟倫之子
紹宗為後孝宗錄功臣後授紹宗南京錦衣衛世指
揮使嘉靖十一年封靈璧侯食祿千石傳子至孫世
蔭蔭慶中協守南京兼領後府改提督漕運歷十餘
年以勞加太子太保進少保卒謚僖敏傳爵至明亡
為絕

論曰文忠才氣駿發以功名大顯於時而被服文雅
動中禮法其古之儒將升愈之慎密和之恭敬亦皆
有士夫之行非徒以簪力結主知者嗚呼和尤不可
及也已